

Funded by
UK Government



Wedi ei ariannu gan
Llywodraeth y DU

CRONFA ALLWEDDOL CONWY YN CEFNOGI BUSNES LLEOL

Cronfa Drosiannol 2025/26

Meini Prawf a Chanllawiau



Cynnwys

Adran A - Ffactorau Allweddol

- Cyflwyniad 3
- Ffactorau Cymhwysedd 4
- Sectorau nad ydynt yn Gymwys 4
- Prosiectau Cymwys 4
- Prosiectau nad ydynt yn Gymwys 5
- Ffactorau Hanfodol i'w Nodi 5

Adran B – Proses Grantiau

- Gwneud cais 6
- Cymorth Gwladwriaethol / Rheoli Cymhorthdal 7
- Prosesu Ceisiadau 8
- Rhoi gwybod am y penderfyniad 8
- Hawlio 8
- Monitro ar ôl Dyfarniad 9
- Cyhoeddusrwydd 10

Gwybodaeth Ategol

- [Allbynnau a Chanlyniadau Cronfa Allweddol Busnes](#)
- <https://www.gov.uk/government/publications/uk-shared-prosperity-fund-prospectus.cy>
- [Rheoli cymorthdaliadau | LLYW.CYMRU](#)
- [Cronfa Ffyniant Gyffredin y DU: brandio a chyhoeddusrwydd \(6\) - LLYW.CYMRU](#)

Manylion Cyswllt
Cymorth i Fusnesau Conwy
busnes@conwy.gov.uk
01492 574574

This document is also available in English

ADRAN A - FFACTORAU ALLWEDDOL

Cyflwyniad

Mae'r prosiect hwn wedi'i ariannu drwy Gronfa Ffyniant Gyffredin Llywodraeth y DU.

Mae Cronfa Ffyniant Gyffredin y DU yn cefnogi pum cenhadaeth genedlaethol llywodraeth y DU: gwthio pŵer allan i gymunedau ym mhobman, gyda ffocws penodol ar helpu i roi hwb i dwf economaidd a hyrwyddo cyfleoedd ym mhob rhan o'r DU. Am ragor o wybodaeth, ewch i <https://www.gov.uk/government/publications/uk-shared-prosperity-fund-prospectus.cy>

Mae cronfa Allweddol Cefnogi Busnesau Lleol yn gynllun grant datblygu busnes i gefnogi ein busnesau masnachol neu gymdeithasol lleol i ffynnu, arloesi a thyfu.

Bydd y gronfa allweddol yn darparu grantiau i gefnogi twf economaidd a chynaliadwyedd, drwy gyflawni amrywiaeth o brosiectau datblygu busnes yn unol ag amcanion blaenoriaeth buddsoddi busnesau lleol ategol.

- Creu swyddi a hybu cydlyniant cymunedol, drwy fuddsoddiadau sy'n adeiladu ar ddiwydiannau a sefydliadau presennol
 - Hyrwyddo rhwydweithio a chydweithio, drwy ymyriadau sy'n dod â busnesau a phartneriaid ynghyd o fewn ac ar draws sectorau i rannu gwybodaeth, arbenigedd ac adnoddau, ac ysgogi arloesedd a thwf.
 - Cynyddu buddsoddiad y sector preifat mewn gweithgareddau sy'n hybu twf, drwy gefnogaeth wedi'i thargedu i fusnesau bach a chanolig i ymgymryd ag arloesedd newydd, mabwysiadu technolegau a thechnegau sy'n hybu cynhyrchiant, sy'n effeithlon o ran ynni ac sy'n isel mewn carbon, a dechrau neu ddatblygu allforion.
- ❖ Mae'r cynllun wedi'i dargedu at fentrau bach a chanolig (sy'n cyflogi hyd at 250 o bobl) gydag un ai trosiant o lai na €50 miliwn neu fantolen lai na €43 miliwn.
- ❖ Mae'r cynllun yn cynnig cyllid o HYD AT 70% ar wariant cyfalaf a/neu refeniw cymwys ar gyfer prosiectau, gyda dyfarniadau o £5,000 hyd at £50,000 yn cael eu cynnig.
- Gellir ystyried grantiau y tu allan i'r symiau diffiniedig mewn amgylchiadau eithriadol, h.y. y rhai sy'n creu swyddi sylweddol neu brosiectau isadeiledd carbon isel neu ddatgarboneiddio enghreifftiol.*
- ❖ Mae'r cynllun grant hwn yn ddewisol a bydd yn cael ei weithredu ar sail y cyntaf i'r felin, yn dibynnu ar argaeledd arian a'r gallu i gwblhau'r prosiect o fewn y cyfnod penodol.
- ❖ Ar hyn o bryd, nid yw'r gronfa ar agor i geisiadau gan dderbynwyr grantiau drwy rownd flaenorol Cronfa Allweddol Busnes Cronfa Ffyniant Gyffredin y DU
- Dan amgylchiadau eithriadol, gellir ystyried ceisiadau gan Fusnesau a ariannwyd yn flaenorol lle bydd y prosiect yn creu swyddi'n uniongyrchol.*
- ❖ Bydd pob cynnig cyllid yn amodol ar gymeradwyo ceisiadau gan Banel Adolygu Grantiau

- ❖ Bydd y grant yn cau i geisiadau ym mis Tachwedd 2025 neu pan fydd yr arian wedi'i neilltuo'n llwyr, os bydd hynny'n gynt.
- ❖ Yn dilyn cadarnhad o'r dyfarniad, bydd angen i bob cynnig fod wedi'i dderbyn a'r arian wedi'i dynnu erbyn mis Rhagfyr 2025 fan bellaf, pa un bynnag sydd gynharaf.
- ❖ Fel cronfa amser gyfyngedig, bydd yr holl gynigion grant (yn gyfan gwbl neu'n rhannol) sydd heb eu tynnu yn unol â'r uchod yn dod i ben yn awtomatig.

Ffactorau Cymhwysedd

Mae'r cynllun wedi'i dargedu at fentrau bach a chanolig (sy'n cyflogi hyd at 250 o bobl) gydag un ai trosiant o lai na €50 miliwn neu fantolen lai na €43 miliwn.

Er mwyn bod yn gymwys i dderbyn cymorth buddsoddi, mae'n rhaid i fusnesau gael eu lleoli a'u gweithredu yn Sir Conwy, wedi bod yn masnachu dros 6 mis ac wedi cofrestru gyda CaThEF.

Er mwyn cael ei ystyried, rhaid i'ch prosiect gyflawni un neu fwy o'r allbynnau a'r canlyniadau



Business Key Fund
Outputs and Outco

Sectorau nad ydynt yn Gymwys

- Glo/Dur
- Adeiladu llongau
- Cynhyrchu ffibrau synthetig
- Banciau
- Cwmnïau yswiriant
- Tai
- Addysg statudol
- Gwasanaethau Iechyd Statudol
- Datblygu Eiddo Masnachol a Phreswyl
- Pysgodfeydd/ dyframaeth/ amaethyddiaeth ac Atodiad 1 - cynhyrchu bwyd/ amnewidion llaeth/ gweithgareddau cysylltiedig ag allforio
- Gamblo, Tybaco, Cynhyrchu Arfau a Bwledi neu unrhyw sectorau sy'n arwain at effaith sylweddol ar yr amgylchedd neu sy'n foesebol neu'n foeseol ddadleuol.

Prosiectau/Eitemau Cymwys

Prosiectau cyfalaf a refeniw gan gynnwys (ond heb fod yn gyfyngedig i)

- Cyfarpar cyfalaf gan gynnwys offer
- Safleoedd gwe / e-fasnach newydd

- Hyfforddiant arbenigol perchennog neu staff busnes (**Ni fydd** hyfforddiant safonol h.y. lechyd a Diogelwch, Cymorth Cyntaf, Gwersi Gyrru ac ati) yn cael ei ystyried). Dim ond cyrsiau byrdymor y gellir eu hystyried h.y. Cyrsiau a gwblhawyd o fewn llai na 6 mis
- Ffioedd proffesiynol arbenigol i gael canlyniad gweladwy (e.e. ISO, IIP)
- Costau gosod / Llafur ar gyfer offer / gwaith datblygu
- Prosiectau lleihau carbon h.y. paneli solar / goleuadau ynni isel
- Uwchraddio prosesau digideiddio h.y. gwella/cychwyn dulliau digidol

Prosiectau/Eitemau nad ydynt yn Gymwys

Yn cynnwys (ond heb fod yn gyfyngedig i'r canlynol)

- Gweithgareddau sydd eisoes wedi cychwyn (ni ellir prynu nac archebu eitemau nes bod cymeradwyaeth grant wedi'i rhoi)
- Prosiectau i fodloni gofynion statudol
- Adnewyddu h.y. disodli offer hen am rai newydd, uwchraddio cyfarpar a meddalwedd TG, Costau Cynnal a Chadw a / neu Gostau Rhedeg
- Prosiectau sy'n niweidiol i'r amgylchedd
- Prosiectau heb gydsyniadau statudol perthnasol (os yw'n berthnasol)
- Cerbydau ar y ffordd
- Eitemau nad ydynt yn hanfodol ar gyfer llwyddiant y prosiect neu nad ydynt yn cyfrannu'n uniongyrchol ato
- Eitemau (ac eithrio peiriannau) na fyddent yn cael eu hystyried yn osodiadau e.e. dodrefn y gellir eu symud, eitemau addurniadol, llenni a/neu fleindiau a rhai mathau o lorïau
- Prynu Tir a/neu Eiddo
- Costau gweithredu / busnes arferol – e.e. Costau staff, prynu stoc
- TAW adferadwy
- Caffael asedau o dan Bryniant Llogi, Cytundebau Credyd Estynedig neu Brydles

Dylid nodi hefyd bod isafswm y gost ar gyfer eitemau unigol wedi'i osod ar £100.

Ffactorau Hanfodol i'w Nodi

Dyfnbrisiau

- Amcangyfrifon/dyfnbrisiau gwreiddiol ar gyfer eitemau/ gwaith prosiect (2 ddyfnbris manwl ar gyfer eitemau/ gwaith sy'n costio hyd at £10,000, 3 dyfnbris manwl ar gyfer unrhyw eitem/ gwaith sy'n fwy na £10,000)
- Dylai'r dyfnbrisiau ddilyn yr un templed a, lle bo'n berthnasol, dylid eu rhannu'n rhannau i ddangos costau elfennau unigol o'r gwaith e.e. cost offer / llafur / costau gosod.
- Ni fydd dyfnbrisiau sy'n seiliedig ar yr ymgeisydd yn cwblhau'r gwaith ei hun yn cael eu hystyried
- Byddwn yn ceisio sicrhau bod pob cyflenwr a ddefnyddir gan dderbynwyr grantiau yn gweithio'n gynaliadwy a, lle bo'n bosibl, (wedi'i gydbwyso â Gwerth am Arian) yn annog cyflenwadau lleol a'r effeithiau cadarnhaol sy'n gysylltiedig â hynny.

Pryniant Arian Parod

Ni thelir unrhyw gyllid lle ymgwymerwyd â thrafodion arian parod.

Ôl-weithredu

Ni thelir unrhyw gyllid ar unrhyw wariant ôl-weithredol.

ADRAN B – PROSES GRANTIAU

Gwneud Cais

Cais Llawn

1. Cyn cyflwyno cais, gofynnir i chi siarad ag aelod o dîm Cymorth i Fusnesau Conwy.
2. Darllenwch yr holl wybodaeth a chanllawiau a ddarperir yn ofalus, ac yn benodol nodwch a gwnewch yn siŵr eich bod yn deall pob agwedd ar y ffurflen gais a'r canllawiau sy'n ymwneud â dyfarnu'r Grant Cronfa Allweddol Cefnogi Busnesau Lleol.
3. Rhaid cyflwyno ceisiadau gan ddefnyddio'r ffurflen gais ar-lein.
4. Lle gofynnir i chi roi sylwadau, cofiwch gynnwys cymaint o wybodaeth â phosibl, gan gynnwys yr adrannau i esbonio'r prosiect, ei fanteision, ei effaith a sut y bydd yn cyflawni'r allbynnau a'r canlyniadau gofynnol. Dylai'r sylwadau egluro pam bod angen cyllid grant er mwyn i'r prosiect barhau.
5. Mae'n bwysig sicrhau bod eich ffurflen gais wedi'i llenwi'n iawn a bod yr holl ddogfennaeth ategol yn cael ei chynnwys ar adeg ei chyflwyno. Mae hyn yn cynnwys:
 - Cynllun Busnes diweddaraf
 - Cyfrifon blynyddol diweddaraf
Mewn rhai amgylchiadau efallai y gofynnir am wybodaeth ariannol mwy na blwyddyn.
 - Os nad yw'r busnes wedi bod yn masnachu yn ddigon hir i gyfrifon fod ar gael, bydd angen o leiaf 3 mis o ddatganiadau banc i ddangos tystiolaeth o fasnachu
 - Datganiad Llif Arian ac Elw a Cholled Arfaethedig
 - Cadarnhad o gyllid cyfatebol
 - Cadarnhad o'r *Caniatâd Cynllunio a / neu'r Rheoliadau Adeiladu
(Os yw'n berthnasol) gan gynnwys 'Newid Defnydd'.
 - Prawf o Berchnogaeth / prydles os yw'n berthnasol (*mae angen prydles gydag o leiaf 5 mlynedd fel sy'n safonol*)
 - Amcangyfrifon / dyfynbrisiau gwreiddiol ar gyfer y prosiect
 - Holl Ofynion Cyfreithiol Statudol ar gyfer y Busnes (os yw'n berthnasol)
 - Cadarnhad cofrestru gyda Chyllid a Thollau EF
 - Tystiolaeth o gymeradwyaeth landlord (os yw'n berthnasol)

* mewn achosion lle mae caniatâd cynllunio yn y broses ond heb ei dderbyn eto, gellir ystyried ceisiadau ond byddai unrhyw gynnig cyllid yn amodol ar dderbyn y cymeradwyaethau / caniatâd perthnasol.

Os nad yw ar gael adeg y cynnig, bydd angen tystiolaeth o gyflwyno unrhyw gais cynllunio o fewn 28 diwrnod i ddyddiad y cynnig cyllid. Gallai methu â gwneud hynny arwain at dynnu'r cynnig cyllid yn ôl

Yn amodol ar natur y prosiect, os na cheir y caniatâd perthnasol o fewn cyfnod yr ydym yn ei ystyried yn rhesymol i sicrhau y gellir cwblhau'r prosiect erbyn Rhagfyr 2025, rydym yn cadw'r hawl i dynnu'r cynnig cyllid yn ôl.

Sylwer

- Gwneir penderfyniadau ar geisiadau yn seiliedig ar y wybodaeth a ddarperir yn y ffurflen gais, tystiolaeth gysylltiedig a gwiriadau gwybodaeth o ffynonellau eraill.
- Rhoddir ystyriaeth i'r wybodaeth ariannol megis trosiant, mewn perthynas â swm y cyllid y gofynnir amdano.
- Efallai y bydd angen tystiolaeth ychwanegol i gefnogi ceisiadau.
- Os bydd unrhyw ddata yn anghyflawn neu'n anghywir neu os yw'r dystiolaeth a ddarperir yn annigonol, byddwn yn cysylltu â chi.
- Gallai methu â chydymffurfio ohirio penderfyniad. Nodwch nad yw'r amserlen cymeradwyaeth yn cychwyn nes derbynnir yr holl ddogfennaeth a'r wybodaeth ofynnol gan yr Awdurdod Lleol.

Fe'ch atgoffir ar hyn o bryd i beidio ag ymgymryd ag unrhyw wariant ar y prosiect a ariennir gan grant nes bod penderfyniad ffurfiol wedi'i wneud ar y cais a'ch bod wedi cael cadarnhad ysgrifenedig o hyn.

- **Ni thelir unrhyw gyllid ar wariant ôl-weithredol**
- **Ni thelir unrhyw gyllid lle ymgwymerwyd â thrafodion arian parod**

CYMORTH GWLADWRIAETHOL / RHEOLI CYMHORTHDAL

Bydd y grantiau'n cael eu dyfarnu dan Gymorth Ariannol Lleiaf (MFA)

Mae Cymorth Ariannol Lleiaf (MFA) yn caniatáu i awdurdodau cyhoeddus ddyfarnu cymorthdaliadau gwerth isel (hyd at £315,000)

Ni ellir rhoi Cymorth Ariannol Lleiaf ychwanegol i fuddiolwr sydd wedi cyrraedd eu trothwy Cymorth Ariannol Lleiaf yn barod.

Fel rhan o broses y cais, bydd gofyn i chi:

- Ddatgan eich dealltwriaeth bod y cyllid a gynigir yn gymhorthdal dan MFA
- Datgan na fydd y trothwy MFA a nodwyd yn adran 36(1) y Ddeddf yn cael ei ragori gan y fenter sy'n derbyn y cymorth arfaethedig

Wrth wneud eich datganiad, dylech ystyried yr holl gymhorthdal (gan gynnwys grantiau) a ddaeth i law drwy'r cynlluniau canlynol, ond heb fod yn gyfyngedig iddynt, yn ystod y 3 blynedd ariannol flaenorol

De Minimis, 'Special Drawing Rights' (SDR), De Minimis y DU, 'Small Amounts of Financial Assistance' (SAFA, yr enw presennol), Small Amounts of Funding Exemption (SAFE) a 'Minimal Financial Assistance' (MFA).

Gallai enghreifftiau gynnwys grantiau cysylltiedig Ardrethi Annomestig, Cronfa Cadernid Economaidd, Grant Cychwyn, Cronfa Gweithwyr Llawrydd, Cronfa Awdurdod Lleol yn ôl Disgresiwn, Grant Cymorth i Fusnesau Conwy.

Mae mwy o ganllawiau ar reoli cymorthdaliadau ar gael yma [Rheoli cymorthdaliadau | LLYW.CYMRU](#)

Prosesu Eich Cais

Ar ôl cael eich ffurflen gais lawn bydd y Cyngor yn: -

- Gwirio bod yr holl fanylion a ddarperir mewn trefn ac os na, yn rhoi gwybod i chi pa wybodaeth bellach sy'n ofynnol.
- Cynnal ymgynghoriad, a all gynnwys:
 - Geirda gan y banc
 - Chwiliad gydag asiantaeth gwirio credyd mewn perthynas â'ch busnes. *Bydd yr asiantaeth y cadw cofnod o'r ymchwiliad hwnnw, ac efallai'n rhannu'r wybodaeth gydag asiantaethau eraill.*
 - Gwneud ymholiadau mewn perthynas â chyfarwyddwyr cwmni gydag asiantaeth gwirio credyd.
 - Chwiliadau lleol e.e. Treth y Cyngor a / neu gyfraddau annomestig
- Cyfeirio'r cais at y Panel Grantiau ar gyfer gwneud penderfyniad. *Bydd pob cais yn cael ei ystyried ar deilyngdod, ac yn unol â nodau ac amcanion y cynllun*

Sylwer y gall prosesu cais cyflawn gymryd hyd at 40 diwrnod gwaith

Rhoi gwybod am y penderfyniad

Cewch wybod ar ffurf e-bost beth fydd y penderfyniad. Os byddwch yn llwyddiannus fe'ch hysbysir o'r swm a gynnigir ac unrhyw amodau penodol sy'n ymwneud â'r dyfarniad.

Wedi'i atodi i'r e-bost / llythyr bydd y contract 'Telerau ac Amodau' y bydd yn rhaid i chi gadw ato. Rhaid llofnodi a dychwelyd y ddogfen hon o fewn 14 diwrnod er mwyn derbyn y cynnig cyllid.

Gallai methu â dychwelyd y Telerau ac Amodau wedi'u llofnodi arwain at dynnu'r cynnig cyllid yn ôl

Hawlio

Mae ein holl gyllid ar sail talu

- h.y. rhaid i'r hawlydd wario'r arian yn gyntaf ac yna hawlio'r swm y cytunwyd arno yn ôl fel y nodir yn llythyr y cynnig grant.
- Rhaid i waith y prosiect fod wedi'i gwblhau h.y. eitemau wedi'u danfon a'u gosod, gwaith adeiladu wedi'i gwblhau

Gyda chytundeb ymlaen llaw a lle mae gan y prosiect elfennau ar wahân, efallai y byddwn yn ystyried hawliad dros dro - byddem fel arfer yn gwneud hyn mewn 1 / 2 rhandaliad yn dibynnu ar y prosiect a'i broffil gwariant.

- Enghraifft 1 - Gallai gosod paneli solar a pheiriannau cynhyrchu newydd fod yn ddwy elfen ar wahân a gellid gofyn am randaliadau
- Enghraifft 2 – ni fyddai prynu deunyddiau a chwblhau gwaith cysylltiedig yn cael eu hystyried yn elfennau ar wahân - ni ellir ystyried rhandaliadau

Yn dilyn cadarnhad o'r dyfarniad, bydd angen i bob cynnig fod wedi'i dderbyn a'r arian wedi'i dynnu erbyn mis Rhagfyr 2025 fan bellaf

Fel cronfa amser gyfyngedig, bydd yr holl gynigion grant (yn gyfan gwbl neu'n rhannol) sydd heb eu tynnu yn unol â'r uchod yn dod i ben yn awtomatig.

Wrth gyflwyno hawliad, rhaid iddo gynnwys

- Ffurflen hawlio wedi'i chwblhau, gan gynnwys y wybodaeth ofynnol a thystiolaeth ategol ar gyfer yr allbynnau a'r canlyniadau a gyflawnwyd
- Pob cyfrif / anfoneb berthnasol (*rhaid i anfonebau beidio â chynnwys dyddiad sy'n bellach yn ôl na dyddiad y llythyr / contract cynnig wedi'i lofnodi a'i ddychwelyd*).
- Bydd hefyd angen copïau o gyfriflenni banc cyfatebol yn dangos y taliadau yn mynd allan o gyfrifon y cwmni.
- Ffotograffau lle y bo'n berthnasol
- Lle mae taliadau wedi'u gwneud gyda cherdyn credyd, bydd angen cyflwyno tystiolaeth bod y taliadau llawn wedi'u gwneud i'r cwmni cerdyn credyd.
- Tystiolaeth o rifau cyfresol ar gyfer unrhyw offer cyfalaf (os yn berthnasol)

Bydd y Cyngor yn bodloni ei hun bod y gweithgarwch y dyfarnwyd y cyllid ar ei gyfer (gwaith neu archebion a wnaed) wedi cael ei wneud yn unol â'r cynnig a wnaed o fewn y cais, ac unrhyw amodau sydd wedi'i atodi i'r gymeradwyaeth. Gellir gwneud hyn drwy archwiliad neu unrhyw ffordd arall a bennir gan y Cyngor. Pan fydd yr uchod i gyd wedi'i gwblhau, bydd y Cyngor yn rhyddhau'r cyllid i'ch Cyfrif Banc Busnes drwy daliad BACS.

Noder y gallai gymryd hyd at 20 diwrnod gwaith i daliadau gael eu prosesu a chyrraedd eich cyfrif.

Monitro ar ôl Dyfarniad

Caiff yr allbynnau y cytunwyd arnynt eu monitro ar ôl cwblhau'r prosiect. Mae'n ofynnol i fusnesau gymryd rhan a chwblhau unrhyw waith monitro a gwerthuso a wneir gan y cyngor neu gwmnïau sy'n gweithredu ar ran y cyngor.

Yn ystod y cyfnod cydymffurfio â'r cyllid 3 blynedd, gall y Cyngor, neu ei asiantau, gynnal adolygiadau a monitro ymhellach. Gall hyn gynnwys ymweld â'ch safle i gynnal archwiliad monitro o'r busnes ac asedau a ariennir gan Grant Cronfa Allweddol Cefnogi Busnesau Lleol.

Bydd gofyn i bob ymgeisydd llwyddiannus ddarparu tystiolaeth bod yr allbynnau a'r canlyniadau wedi'u cyflawni. Mae manylion y ffurfiau tystiolaeth derbynol i'w gweld yn Allbynnau a Chanlyniadau Cronfa Allweddol Cefnogi Busnesau Lleol.



Ar brosiectau sydd wedi nodi creu swyddi fel canlyniad, bydd y Cyngor angen gweld tystiolaeth o'r ffactorau cyflogaeth.

Ar gyfer pob prosiect arall, rhaid i'r ymgeisydd ddangos tystiolaeth o sut mae dyfarniad y Gronfa Allweddol Cefnogi Busnesau Lleol wedi effeithio ar y busnes.

CYHOEDDUSRWYDD

Bydd gan Gyngor Conwy a Llywodraeth y DU hawl i gyhoeddi manylion y grant a gynigiwyd/a dalwyd i'r Derbynnnydd Grant at ddibenion cyhoeddusrwydd os bydd angen.

Disgwylir y bydd unrhyw Dderbynnydd Grant yn cymryd rhan yn unrhyw ymgyrchoedd marchnata cysylltiedig â rhaglenni Cymorth Busnes Conwy a/neu Gronfa Ffyniant Gyffredin Conwy os gofynnir iddynt wneud hynny.

Os ydych chi'n llwyddiannus yn eich cais am gefnogaeth gan Gymorth Busnes Conwy a Chronfa Ffyniant Gyffredin Conwy, mae'n ofynnol i chi gydnabod y gefnogaeth ariannol hon. Cyfeiriwch at [Gronfa Ffyniant Gyffredin y DU: brandio a chyhoeddusrwydd \(6\) - LLYW.CYMRU](#)

MANYLION CYSWLLT

	Cymorth Busnes Conwy busnes@conwy.gov.uk 01492 574574
---	--